

# 楞伽經集註

趙  
栻  
初  
題



●〔宋〕釋正受 集註

●上海古籍出版社

祖師達摩付法於二祖曰：吾  
觀震旦所有經教，惟《楞伽》  
四卷可以印心。



逸

●〔宋〕釋正受 集註

●上海古籍出版社

# 楞伽經集註

趙樸初題



68516

200685160



200685160

滬新登字109號

88216



楞伽經集註

(宋)釋正受集註

上海古籍出版社出版

(上海瑞金二路272號)

華書上海發行所發行 上海古籍印刷廠印刷

開本787×1092 1/16 印張8

1993年9月第1版 1993年9月第1次印刷

印數：00001—3000

ISBN 7-5325-1578-8

B·201 定價：11.00元

## 出版說明

日本《楞伽經集註》四卷，宋釋正受撰，所取經文為《楞伽經》四卷本，此經全稱《楞伽阿跋多羅寶經》，劉宋求那跋陀羅譯。楞伽，山名，阿跋多羅，人之義，意謂佛陀入此山所說之寶經。此經譯成於公元四百年前後，是代表印度後期大乘佛教思想之經典。

本經結合如來藏與唯識阿賴耶識思想，宣說世界萬有皆由心造，吾人認識作用之對象不在外界而在內心，並反覆強調，迷的根源來自無始以來的習氣及未能了知諸法乃自心之顯現，故若能徹悟意識之本性，捨離能取、所取之對立，即可臻於無所分別之境域。

《楞伽經》現存三種漢譯本，一是本書所取經文，為四卷本，劉宋求那跋陀羅譯；二是北魏菩提流支譯本，題為《人楞伽經》，十卷；三是唐實叉難陀譯本，題作《大乘入楞伽經》，七卷。其中劉宋譯本最早，影響也最廣。

又四卷本《楞伽經》，古來特為禪宗所重。它所闡述的「如來藏」、禪的四種分別（即愚夫所行禪、觀察義禪、攀緣如禪、如來禪）、「宗通」等思想，對於禪學的形成具有重要的

啟發意義。達摩入梁後即以此四卷《楞伽》作為傳法心印，付囑給慧可，慧可以下，師徒們又遞相傳授和研習此經，故當時禪師別有「楞伽師」之稱。直至道信以後，禪師們開始接受般若思想，《楞伽經》之地位纔逐漸被《金剛經》所取代。

該經除被早期禪宗尊奉外，還受到後來的法相宗（又名唯識宗）之重視，是法相六經之一。其「三界唯心」理論，「五法」、「三自性」、「八神識」、「二種無有我」等大乘思想均不同程度地為法相宗所吸收和採用。

本經之注疏極多，各家闡釋不一，有些並不完全按照經文本意來解說。宋釋正受，號雷菴，雲門宗禪師，曾編《嘉泰普燈錄》，為禪宗著名的「五燈」之一。他所撰《楞伽經集註》參以異譯，又選唐、宋諸經師注疏之通達者，列於經文之下，間附以己見，能集諸家之長而又要言不煩，於揭示《楞伽》奧義不遺餘力。《楞伽經集註》最初刊行於南宋慶元二年（一一九六），明洪武四年（一三七二）重刊時作了一番整理，使之更便於初學。日本藏經書院排印的《續藏經》採用的就是洪武本。今即據《續藏經》本影印行世。明嘉靖刊《楞伽經集註》前有宋蔣之奇和蘇軾兩序跋，茲據以影印附後。

上海古籍出版社 一九九三年四月



目 録

集註楞伽阿跋多羅寶經序	一
楞伽阿跋多羅寶經集註題辭	二
大明洪武辛亥重刊楞伽經集註凡例	三
卷第一	
一切佛語心品第一	五
卷第二	
一切佛語心品第二	三二
卷第三	
一切佛語心品第三	五七
卷第四	
一切佛語心品第四	八〇

閣筆記 ..... 一〇八

卷一

附錄 靈心品錄三

楞伽經序 ..... 一

書楞伽經後 ..... 二

卷二

楞伽經心品錄一

卷一

大即斯先字交重阿對時發乘持凡樹

對阿國楚冬羅寶惡乘持惡瘡

乘持對阿國楚冬羅寶惡乘

目錄



集註楞伽阿跋多羅寶經序

朝議大夫新淮東安撫司參議

官竹齋沈瀛撰

我佛以一大事因緣出現於世三百餘會說法度衆生本無二致以衆生性有上中下之別故佛語有淺深之異於諸經中如楞嚴圓覺皆爲上根者說故其語深遠惟上根之人方可了解而初機者未易究也至若楞伽一經以楞伽爲名實相爲體佛語心爲宗自覺聖智爲用其語深遠又在楞嚴圓覺諸經之上故目今所說上根之人無如內翰蘇公尙曰楞伽義趣幽眇文字簡古讀者尙不能句而況遺文以得義忘義以了心所以寂寥於世幾廢而僅存而況餘人乎少傅白公樂天與常禪師詩有求師治此病惟勸讀楞伽又曰人間此病治無藥惟有楞伽四卷經荊國王公介甫亦曰楞伽我亦見髮鬢是知此經惟上上根人所深好而研窮之其它人莫識也達磨謂二祖曰吾觀震旦所有經教惟楞伽四卷可以印心祖祖相授心爲心法則知傳心之印無出此經有自來

矣今世談禪者浩浩而於此經謾不知有非不知有正以所見不高不能深識義趣故不敢啓口耳蘇內翰又謂近世學者各宗其師務從簡便得一句一偈自謂了證至使婦人孺子抵掌嬉笑爭談禪悅高者爲名下者爲利而佛法微矣乃謂此經句句皆理字字皆法如鑿之有難經今俚俗鑿師不由經論直授方藥以之療病非不或中至於遇病輒應懸斷死生則與知經學古者不可同日語世人徒見其有一至之功或捷於古人因謂難經不學而可豈不悞哉此正謂今日設也仰惟雷菴受公老師飽學飽參既有實學遂見實相非今虛頭禪衲比也人皆於此經讀尙不成句讀師乃敢抗志而註釋之非精勤力學不能到也且其註釋又非今講人之比字字訂前人之訛句句說經意之盡其文不晦僻其義又坦明使蘇內翰復生而見之亦歡喜讚歎不盡而況餘人乎凡於此道得其趣者而觀之當手之而不釋也竹齋沈瀛既見是書合掌頂禮普勸四衆至心讀誦詳其註義使佛語渙然冰釋於一句中頓明見地卽達磨付

囑之意便在眼前其一堆八擔葛藤便可束之高閣矣昔太保樂全張公安道慶曆中嘗爲滁州至一僧舍偶見此經入手恍然如獲舊物開卷未終夙障冰解細視筆畫手迹宛然悲喜太息從是悟入常以經首四偈發明心要蘇內翰過南都親見公說且以錢三十萬託公印施於江淮間而內翰親爲之書此經印人心地明驗如此敬庵居士黃公師說靜照居士仲威之子妙德居士節夫之姪孫心心相傳其於此經深解義趣捐金鏤板以廣流通是亦樂全公之意也若其註釋本末則具見於雷菴閣筆記此不重述惟以世人所共知蘇內翰張太保二事冠于篇首以啓人之信心云雷菴又有普燈三十卷及楞嚴合論持繼此行于世嗚呼盛哉嗚呼盛哉慶元二年重午日序

楞伽阿跋多羅寶經集註題辭

大雄氏所說阿跋多羅寶經凡經三譯其四卷者宋元嘉中中印度求那跋陀羅也其十卷者後魏延昌中北印度菩提流支也迨至於唐實又難陀來自于闐復以跋陀之譯未弘流支之義多舛與僧復禮重翻爲七卷則久視初也於是判教諸師提綱挈領李通玄則以五法三自性八識二無我爲言智覺延壽則以實相佛語心自覺聖智爲言一則因理以顯事一則從事以推理事兼究則經之奧義無餘蘊矣然自菩提達磨東來震且謂此經四卷可以印心遂授其徒慧可故宗禪定者世受其說而其文辭簡嚴卒未易通所以傳之者寢微至宋張文定公方平見於南譙悟其爲前身所書乃以錢三十萬屬蘇文忠公軾印施江淮間蘇公親爲書之且記其事自是流布漸廣雷菴禪師正受病句讀之難通也與同袍智燈據跋陀之本而參以魏唐二譯原其異同歷疏於經文之下復稽唐註古本暨宋僧寶臣閔士楊彥國之說而折衷之凡經論疏錄有涉於經者亦無其精

華附焉名之曰楞伽寶經集註自慶元乙卯之三月至丙辰之四月始克就緒其用心可謂勤矣且如來說經不卽語言不離語言矧此楞伽實證圓頓八識洞然號如來藏大包無外小入無內本性全眞卽成智用觀身實相與淨名同若彼二乘滅識趣寂譬如迷人忘已之頭狂走呼號別求首領此乃諸佛心地法門不假修證現前成佛禪宗之要蓋莫切於此矣或者則曰西來之宗一文不設若謂初祖持此印心非愚則惑子不聞達觀頴公之言乎曰不然也佛法隨世以爲教當達摩時衆生滯相離心故入義學者悉斥去之達觀之言猶達摩之意也苟不察其救弊微權而據以爲實則禪那乃六度之一世尊所指持戒爲禪定智慧之本者還可廢乎雷菴之註其有功於禪宗甚大非上根宿智不知予言之爲當也此經舊嘗刻板近毀於火天界禪師白菴金公意欲流通乃購文梓重刻于旃檀林來徵予爲之序予幼時頗見正平張戒集三譯之長采諸家之註成書八卷以傳大意略同惜雷菴不及見之白菴妙悟眞乘旁通

儒典爲叢林之所宗師苟求其說而補入之則其功又豈不大於雷菴哉洪武四年夏五月國子司業金華宋濂序

大明洪武辛亥重刊楞伽經集註凡例

雷菴宋慶元本爲舊本茲重刊爲今本  
一楞伽凡三譯其說備在舊本闕筆記及今本題辭四卷流通特盛者宋譯也雷菴之集註是經遇文簡義深處則以魏唐二譯附其下欲看讀者參考融會則滯礙自當釋然其間有不甚難通處而亦證以一譯者今去之有合備引而節之者今備引之  
一舊本所集諸家註則唐遺名尊宿周元翁於廬山古經藏中所得本宋沙門賢臣新說閩人楊彥國所纂及諸經論宗鏡錄等其註字無其經其論其人云者乃雷菴之述也但新說本爲唐譯七卷而作唐譯既與宋譯之文有異則經之與說豈無相違然臣公學贍識高詞理修暢深

得楞伽旨趣脉絡貫通無施不可今本全用新說處則曰新說云其說與是經之文不同處未免修詞順義以就經文則不顯新說云又以註云楊云及新說會而釋之處以非一家之說故亦不顯註云楊云新說云而直以云云綴於經文之下竊惟古人註釋之意本為使人易解善入忘義了心某云某云初不較於彼此也

一舊本或因經文一二字與佗本不同處則曰註本作某字楊本蘇本又作某字某字今唯取義優理當者餘皆不錄庶使學者無多岐之感

一凡註疏或章分或句解自有條理若一句中又破碎之未為盡善今詳舊本或合而一之節而異之大意多本新說初非胸臆之見義例雖未能純然頗便於覽誦庶幾經旨由斯而得矣

一經教句讀大率不易又何況於此經故蔣穎叔謂嘗苦楞伽經難讀蘇東坡云讀者或不能句今輒句讀之者誠欲便於初學中間差謬安能無之上機了達豈泥於此

一科字之法見於儒書者今本悉准而科之或前已科而後失科者後當例前而呼若梵語某字當作某音呼者嘗讀佛經之人口耳素已習熟更不加科如阿跋多羅阿羅阿寃般涅槃般若等是也解脫二字雖非梵語唯釋典有之故亦不科教家論解脫上胡解切解脫二字並有二音有二義茲不詳錄凡如此等安能悉舉覽者宜以類推

凡例終

楞伽阿跋多羅寶經卷第一

宋天竺三藏求那跋陀羅 譯

大宋胥臺沙門釋正受 集註

楞伽者此云不可往阿云無跋多羅云上寶貴重義經貫攝義是名不可往無上寶經謂自覺聖究竟之境非邪智可造故曰不可往處有此無上寶也非寶可比故曰無上寶也此經蓋以單摩立題華嚴論云世尊於南海摩羅耶山之頂楞伽城中說法其山高五百由旬下瞰大海無路可上其城乃衆寶所成光映日月無門可入得神通者堪能升往表心地法門無修無證者方能升也下瞰大海表心海本自澄淨因境風所轉職浪隨動惟心空境寂則此識浪無復起矣識浪既息物不礙猶如大海無風日月星辰等象炳然顯現此經乃為根熟者頓說種子業識為如來藏真彼二乘滅識極寂者故亦為異彼般若修空者隨空增勝者故蓋直明識體本性全真即成智用非彼深密別立九識接引初根漸令留或長大苦提不令其心植種於空亦不令心猶如敗種解深密經乃是入或之初門楞伽維摩身示教之本實楞伽即明八識為如來藏淨名即觀身實相觀佛亦然淨名與楞伽同深密經文則與此二部少別當知入胎出胎少年老年乃至資生住處若色若空若性若相皆是自識唯佛能知一經之旨顯見於此

一切佛語心品第一

一切佛語心者乃三世諸佛所說性自性第一義心也品者類也別也義類相從故名為品第一者此經大部有十萬偈百萬句三千六萬言總有一百五十一品今所傳者止有佛語心品分之為四故言第一也

如是我聞一時佛住南海濱楞伽山頂

實又云婆伽

摩羅耶山頂楞伽城中其城乃羅婆那夜及王所據蓋佛於海龍王宮說法七日已而從大海出有無量億梵釋護世天龍等衆奉迎於佛爾時世尊舉目觀見山頂之城而作是言昔諸如來應正等覺皆於此城說自所得聖智證法非諸外道謬示邪見及以二乘修持境界我今亦當為羅婆那夜顯示此法爾時羅婆那夜及王繞三匝作衆妓樂而供養之說偈讚佛歸其城中云云○流支所譯大略相似唯此經止云佛住南海濱楞伽山頂而不言城者蓋跋陀之文尚於簡古也故於下文至一切佛語心為楞伽國摩羅耶山名但以城名混而所歎海濱識識境界則知其略去山名但以城名混而主處衆六成就義科上四字下三字為二句讀之按龍勝論云世尊將入涅槃時阿泥盧豆致阿難問佛未來要事者有四阿難依教請問曰如來在世親自說法人皆信受如來滅後一切經首當立何言世尊答曰當言如是我聞一時六字為句此其四問之一也故今以一時二字副上句種種寶華以為莊嚴與大比丘僧及大菩薩衆就接俗情故詳開俱從彼種種異佛利來是諸菩薩摩訶薩流支於此有無量三昧自在之力神通游戲大慧菩薩摩訶薩而為上首一切諸佛手灌其頂自心現境界善解其義種種衆生種種心色無量度門隨類普現於五法自性識二種無我究竟通達五法者曰名曰相曰妄想曰正智曰如如三自性是也為起云楞伽以佛語心為宗無門為法門所以成之者在此實及至及大比丘衆下重譯云其諸菩薩摩

阿薩悉已通達五法三性諸識無我善知境界自心現  
義游戲無量自在三昧神通諸力隨衆生心現種種形  
方便調伏一切諸佛手灌其頂皆從種種諸佛  
國土而來此會大慧菩薩摩訶薩爲其上首

爾時大慧菩薩與摩帝菩薩摩訶薩俱遊一切諸佛  
刹土承佛神力從座而起偏袒右肩右膝著地合掌  
恭敬以偈讚佛

世間離生滅猶如虛空華智不得有無而與大悲  
心一切法如幻遠離於心識智不得有無而與大

悲心遠離於斷常世間恒如夢實又云世間恒如  
夢遠離於斷常  
智不得有無而與大悲心知人法無我煩惱及爾

爾支以爾餘爲智障實又以爾餘爲所知所知即  
智障煩惱亦障也爾餘是梵語智障所知是華言  
餘蘇場二本常清淨無相而與大悲心一切無涅

槃無有涅槃佛無有佛涅槃實又云佛不住涅槃  
槃涅槃不住佛遠  
離覺所覺宗鏡云所覺是相能覺是見  
遠離覺所覺名自覺聖智若有若無

有是二悉俱離牟尼寂靜觀是則遠離生流支云  
若如是

觀佛寂靜觀佛寂靜  
離生滅是名爲不取今世後世淨實又云是人  
今後世離若  
無所  
取

爾時大慧菩薩偈讚佛已自說姓名

我名爲大慧通達於大乘註云自言  
有大乘機今以百八義

仰諮尊中上

世間解之士聞彼所說偈觀察一切衆告諸佛子言  
此四句乃結集者之語當爲長行故實又云  
時世間解問是語已普觀衆會而作是言

汝等諸佛子今皆悉所問我當爲汝說自覺之境

界實又云自  
證之境界

爾時大慧菩薩摩訶薩承佛所聽頂禮佛足合掌恭  
敬以偈問曰

云何淨其念云何念增長註云淨如來藏心念使  
法身淨念顯現增長  
註云愚夫妄取何故刹

土化相及諸外道此問如來於刹土中化諸衆生  
及諸外道所化之化相然相字  
雖屬下句而義屬上句如下文云如來云何於一切  
時利現則於字屬上句而義屬下句教中有文句有  
義句義句則義屬於句文句則句  
同於義此二偈句當在義句中收云何無受次何

故名無受下句問滅受想定之次第  
何故名佛子

解脫至何所誰縛誰解脫何等禪境界云何有三

乘唯願爲解說緣起何所生云何作所作新說云  
問因緣

所起本自無生若體不生云何俱異說此舉外道  
妄計一異

何有能生因及所作果云何爲增長實又云云  
何諸有起

無常四句塵上二句問之何諸有起

云何無色定四空  
定也及與滅正受滅盡  
定也云何爲想滅

定也

定也

定也

滅受想 何因從定覺 問受想既滅何因從定而云定也 覺若從定覺滅義不成 云

何所作生進去及持身 流支云云何因生果何因身去住○進即去義持即

往云何現分別 因觀所見 云何生諸地 實又作破入諸地

二有者誰何處身云何 註云此問破三有處 往生

何所至 實又云生後住何處○註云何最勝子流云既破三有後何處生

佛子 何因得神通及自在三昧云何三昧心最勝

為我說云何名為藏 如來藏也 云何意及識云何生與

滅云何見已還 問云何了知生滅諸法不待斷所見也 云何為種性非種及心量 問五無間種性也非種即

外道種心量即不定種 云何建立相及與非我義

也性蘇揚二本作姓 云何無衆生 真諦也 云何為斷見

及常見不生 註云非有立有名常 云何佛外道其

相不相違云何當來世種種諸異部 註云問未來十八部之差

別云何空何因 流支作云何剎那壞 新說云剎那

常又俱舍論云時之極少名 云何胎藏生云何世

利那 念起曰生念滅曰壞 云何因如幻夢及擗闍婆

不動 註云問世間諸法體性生滅何故不動

城世間熱時燄及與水月光 實又云云何諸世間如幻亦如夢乾城及

陽鐵乃至何因說覺支及與菩提分七覺支八云

何國土亂 問名相妄想法中 云何作有見 實又云何有國土亂 何故見

諸云何不滅世如虛空華云何覺世間云何說

離字 實又云云何知世法云何離文 離妄想者誰

云何虛空譬 實又作如虛空 如實有幾種 真如實幾波羅

蜜心 實又云諸何因度諸地誰至無所受 問何因

地之次第又誰能至無所受 何等二無我云何爾

離淨諸智有幾種幾戒衆生性 註云衆生性既誰別致戒有幾種

生諸寶性摩尼真珠等誰生諸語言衆生種種性

明處及伎術誰之所顯示 流支云五明處伎術○五明大論云五明者一

曰聲明釋詁訓字註目流別二曰工巧明伎術機關

陰陽曆數三曰醫方明禁呪問邪藥石針艾四曰因

明考定正邪研數真偽五曰伽陀有幾種長頌及

短句 伽陀此成爲有幾種 流支以成爲法 云何名

爲論云何生飲食及生諸愛欲 飲食愛欲因何而起 云何名

爲王轉輪及小王云何守護國諸天有幾種云何

名爲地星宿及日月 已上問 解脫修行者是有各

幾種弟子有幾種云何阿闍梨 此云軌 佛復有幾

種復有幾種生 謂佛有法生報生化生故以爲問 魔及諸異學彼

各有幾種自性及與心彼復各幾種 實又云自性幾種異心有

幾種云何施設量流支作施假名唯願最勝說云

別實又作唯假設何空風雲流支云何云何念聰明註云總問何故

明云何為林樹云何為蔓草云何象馬鹿云何而

捕取云何為卑陋何因而卑陋云何六節攝流支

皆以六節為六時註云外道有六節云何一闍

師○新說云西域兩月為時年分六節提德王品云一闍名信提名男女及不男斯皆云

不具信不具故名一闍提何生云何修行退云何修行生流支實又皆禪師

以何法建立何等人流支云教何等修令住何等法衆生

趣何相何像類云何為財富何因致財富實又云

諸趣何形何色相富饒實又云云何為釋種何因有釋種

大自在此復何因得實又云云何甘蔗種無上尊願說本行經云大茅草王得

血於地生二甘蔗日炙而開一出童男一出童女占

相師立男名善生即灌頂甘蔗王女名善賢為第一

妃聖妻釋種云何長苦仙彼云何教授如來云何

即其畜也實又云於一切時利現種種名色類最勝子圍繞實又云

苦行是誰之教授何因佛世尊一切實又云云何不食肉

判中現異名諸色類佛子衆圍遶實又云云何制斷肉食肉諸種類何因故食肉云何日月

形須彌及蓮華師子勝相剎側住覆世界如因陀

羅網因陀羅比云帝即帝網也註本云帝釋或有乘寶風絲羅網離百千重不相障礙

諸珍寶篋篋細腰鼓狀種種諸華或離日月光如

是等無量自日月形至此問世界形相差別無量

業若干故佛華嚴經云種子差別故果實生不同行

利種種異云何為化佛云何報生佛云何如如

佛云何智慧佛實又疊如如智慧為真如智慧佛

應化佛辭其往因名報佛體性云何於欲界不成

無二真如佛本覺顯照智慧佛○新說云問佛名義也隨機赴感

等正覺何故色究竟離欲得菩提善逝般涅槃誰

當持正法新說云問虛舍那佛成菩提天師住久如

正法幾時住界及問涅槃後誰持正法界及問涅槃後誰持正法

各復有幾種悉是華言體是梵語悉備也禮翻為

義見第二卷見施佛以四法徧施衆生故名悉禮餘

謂世諦諸見毗尼比丘分云何何因緣毗尼此

註云云何是毗尼彼諸最勝子緣覺及聲聞何因

何因緣是比丘分百變易云何百無受云何世俗通云何出世間云

何為七地唯願為演說實又云悉禮有幾種諸見

復有幾何故立毗尼及以

諸比丘一切諸佛子獨覺及聲聞云何轉所依云何

得無相云何得世通云何得出世復以何因故心住

七地僧伽有幾種云何為壞僧僧伽此云和合衆

破和合僧也流支實又皆以壞

醫方諸何故大牟尼唱說如是言迦葉狗留孫狗

論也新說云餘經有此言故大慧問何故說

那合是我新說云餘經有此言故大慧問何故說

之義見第三卷以四等故下

何故說

何故說

何故說

何故說

何故說



斷常及與我無我何不一切時演說真實義而復

為衆生分別說心量何因男女林謂衆多訶梨阿

摩勒此二果皆可為藥訶梨舊云阿梨勒新云訶

雞羅及鐵圍金剛等諸山無量寶莊嚴仙闍婆充

滿實又云仙人乾闥婆一切悉充滿此皆何因緣願

佛為我說○自此下是世尊讚頌大慧所問語多

錯綜未易以次序分

無上世間解聞彼所說偈大乘諸度門諸佛心第一

梵語乾闥婆耶此云堅固心善哉善哉問大慧善諦

謂第一義心非念慮心也聽我今當次第如汝所問說

大乘微妙諸佛之心最上法門即告之言善哉

大慧諦聽諦聽如汝所問當次第說即說偈言

生及與不生涅槃空利那趣至無自性莊云大慧

無自性也○實又以空為空相以趣至為流轉佛

諸波羅蜜佛子與聲聞緣覺諸外道及與無色行

如是種種事實又發云波羅蜜佛子聲聞辟支佛

道天修羅解脫自在通力禪三摩提滅及如意足

覺支及道品領上何因說覺支及與菩提分力意

諸禪定無量諸陰身往來新說云領上正受滅盡

定註云領上及與滅正愛三昧起心說領上云何心意及與

識無我法有五自性所想及與二現見實又云

分別能所乘及諸種性註云領上云何有金銀摩

尼等一闍提大種下文有四荒亂及一佛智爾欲

得向註云荒亂領上云何國土亂一佛領上迦葉等

修行衆生有無有新說云領上象馬諸禽獸云何

而捕取譬因成悉檀實又云云何因譬及與作所

作叢林迷惑通實又云衆林與迷惑心量不現有實又云唯

諸地不相至註云領上何因度諸地百變百無受醫方工巧

論伎術諸明處自此下至毛孔眉毛幾是世尊以

問諸山須彌地實又云須彌諸山地巨海日月量下中上衆

生身各幾微塵一一刹幾塵新說云三千大千

弓數有幾肘步拘樓舍半由延由延實又作兔毫

窟塵蟻羊毛麤麥塵譯梵云七微塵成一窟塵七

頭塵成一羊毛頭塵七羊毛頭塵成一羊毛頭塵七

牛毛頭塵成一蠅七蠅成一虱七虱成一芥七芥成

一大麥七大麥成一指節七指節成半尺兩半尺成